



Aningaasaqarnermut Aatsitassanullu Naalakkersuisoq

**2015-imut Aningaasanut inatsisissatut Naalakkersuisut siunnersuutaat -  
Februar 2015**

27-03-2015  
Suliap nr. 2015-113444  
All. nr. 1918091

Postboks 1340  
3900 Nuuk  
Oqarasuaat (+299) 34 50 00  
(+299) 32 93 98  
E-mail: nap@nanoq.gl  
www.naalakkersuisut.gl

**3.20. Immikkoortoq 6, Naalakkersuisut salliutitaat, qupp. 106  
Kontomi pingaarnermi 24.13.50-imi, Akileraartarnermi akitsuusiisarnermilu  
isertitaqarnerulernissamut sillimmatinut tunngasumi, 2016-imit isertitassatut  
sillimmasiunneqarput -97,5 mio. kr.**

a)

Tamanna ataatsimiititaliamit ima paasineqassava; Thule Air Basemit isertitassatut  
annaasat allatut aningaasalersorneqassasut, taamaalillunilu nunatta karsiata  
aningaasartuutaanik naleqqussaaniisaaq pinngitsortinneqarluni?

b)

Aningaasanut inatsisissatut siunnersuutip saqqummiunneqarnerata kingorna  
paasissutissanik nutaanik, isertitassat pitsaanngitsumik ikileriaateqarnissaannik  
naatsorsuutiginninnermut ersarinnerusumik paasissutissiisinnaasunik  
saqqummertoqarpa?

a)-mut

Aallaqqaasiullugu oqaatigineqassaaq Naalakkersuisut 2015-imut aningaasanut  
inatsisissatut siunnersuut saqqummiummassuk maannamut kiffartuussinissamik  
isumaqatigiissutip ingerlateqqinneqannginnissaata malitsigisaanik  
amigartooruteqarfiusassanngorlugu. Taamaattoq oqaatigineqarsinnaavoq ulluni  
makkunani Naalakkersuisut aamma danskit amerikamiullu naalakkersuisui allanut  
isertuussassamik isumaqatigiinniarmata, siusinnerusukkullu tamanut  
nalunaarutigineqareemat Naalakkersuisut Kalaallit Nunaanni inuiaqatigiit sapinngisamik  
annertunerpaanik pissarsisinneqarnissaat taamatuttaaq aningaasaqarnermut  
tunngasutigut akuerineqamissaaq qulakkeerniarlugit sulissuteqartut.

b)-mut

Naalakkersuisut maannakkorpiaq Thule Air Base pillugu danskit amerikamiullu  
naalakkersuisuinik allanut isertuussamik isumaqatiginninniarpur, maannakkut  
aningaasaqarnermut tunngasortaanik nutaanik paasissutissaqanngilaq.

**6.25 Konto pingaarneq 24.13.50 Akileraartarnermi akitsuusiisarnermilu  
isertitaqarnerulernissamut sillimmatit  
Thule Air Base pillugu maanna suliaput allakkiamik ataatsimoortumik  
suliaqartoqarsimava? Taamaattoqarsimappat allakkiap tamatuma assilineqarnera  
qinnutigineqarpoq.**

Maannakkuugallartoq suliaq ingerlasoq ataatsimoorillugu allakkjarineqarsimangilaq. Danskít ameríkamiullu naalakkersuisuí sulí isertuussamik isumaqatiginiarneqarput.

**7. Sulíassaqarfík 27 - Inuussutissarsiornermut, Sulífteqarnermut, Niuernermut Nunanullu Allianut Naalakkersuisoq**

**7.1 Konto pingaarneq 27.01.07 Inuit Circumpolar Council UPA 2014-imi UPA 2014/46 (ICC-mut tapiissutit qaffanneqarnissaannik siunnersuut) ataatsimiititaliamit suliarineqartussanngorlugu innersuunneqarpoq. Kisitsisitigut paasisutissat Naalakkersuisut saqqummiussaata siullermeerinninnermi apeqquuserneqarput, taamaattumillu siunnersuut ataatsimiititaliamut innersuunneqarluni. Ataatsimiititaliap paasinninnera malillugu kisitsisitigut paasisutissat isumaqatigiinngissutigineqartut tassaanerupput aningaasaliissutit Canadami naalagaaffeqatigiinnermi naalakkersuisunit aamma Nunavumi Nunatsiavumilu naalakkersuisunit Canadami ICC-ip pissarsiarisai. Atortussalli tunuliaqutaasut misissoreerlugit paasisutissat nassiunneqartut assigiinngissuteqanngitsut ataatsimiititaliamit paasineqarpoq. Kiisalu ataatsimiititaliamit inassutigineqarpoq aningaasaliissutit pillugit isumaqatigiinniarnert ingerlateqqinnissaat aningaasanut inatsimmik suliaqarnermut atatillugu pisinnaasoq.**

a)

Missingersuusiortarnermut malittarisassami 2008-meersumi kapitali 12 naapertorlugu kattuffiup ukiumut naatsorsuutai kingullit nalunaarut ilanngullugu nassiunneqassasut inussiarnersumik qinnutigineqarpoq.

Ukiuoorumik naatsorsuutit kingullerpaat taamatullu aqutsisut nalunaarutaat 2013-imeersoq ilanngunneqarput.

b)

Naatsorsuutit nassiunneqartut Naalakkersuisunit oqaaseqarfigineqarnissaat ataatsimiititaliamit naapertuuttutut isigineqarpoq. Makku eqqarsaatigalugit ICC-p immikkoortoqarfiisa assigiinngitsut sanilliunneqarnerannik oqaaseqaatit ilaatigut imaqartariaqarput:

- Kalaallit Nunaanni, Canadami Alaskamilu naalakkersuisunit tapiissutitut pissarsiarineqartartut,
- ICC-p immikkoortoqarfiisa ukiumoorumik isertitaannut tamarmiusunut sanilliullugu tapiissutitut pissarsiarineqartut procentinngorlugit nalunaarneqarnerat, aamma
- Aningaasaliissutinut tunngavigineqartut assigiinngissutaat.

Taavalu ICC Greenlandip naatsorsuutaanut kingullernut pissarsiarineqarsinnaasunut (2013) oqaaseqaatit.

Nunat pingasut ICC-p inissisimaffigisai aningaasalersuinermit aningaasartuutinullu aalajangersaasarnerminni assigiinngitsunik periaaseqartarmata, pingartumik naalakkersuinikkut assigiinngitsunik periaaseqarnermik pissuteqartunik, sanilliussiniarnissaq ajornakusoorsinnaavoq. Taamaattoq iluaqutaassaaq immikkoortortaqarfiit oqartussaasunit aningaasalersugaanerisa qanoq annertutiginerinut tunngatillugu paasisutissat pingarnerit qiviassallugit aamma sunik tunngaveqarluni immikkoortortaqarfiit taakku pingasut tapiissutisiaminnik pissarsisarnersut.

Kukkunersuisoqarfiup Namminersorlutik Oqartussat ICC-Kalaallit Nunaannut Qullersaqarfianullu piffissami tassani tapiissutigisartagaasa allangoriartornerat misissorsimavaa. Tassuuna takuneqarsinnaavoq aningaasaateqarfiit suliniutinik aningaasalersuinerat 2012-imi 19 %-iniit 2013-imi 25 %-inut annertuseriarsimasoq.

Tamakku saniatigut ICC Greenland Nunanut Allanut Ministeriaqarfimmut isumaqatigiissuteqarsimavoq ukiunut 2013-imiit 2016-imut tapiissuteqartoqartamissaanik isertitat tamarmiusut 11 %-iisut annertussusilinnik (ukiumut isertitat kisitsisinik 2013-imeersunik tunngaveqarput).

ICC Canada naalagaaffeqatigiit naalakkersuisuinit suliniutinut/tapiissutinut taamaallaat pissarsiarpoq, ukiunut arlalinnut isumaqatigiissutitigut imaluunniit suliniutinut immikkut ittumik ataasiaannartumik tapiissutitigut. ICC Canada naalagaaffeqatigiit naalakkersuisuinit pingaarnertut ingerlatsineranut aningaasaliissutinik tigusaqartanngilaq kisiannili suliniutinut aningaasaliissutinut isumaqatigiissutit allaffissornikkut aningaasaliissutaakkajuttarlutik tapiissutit 10-15 %-iinik annertussuseqartarlutik.

ICC Alaska aalajangersimasumik tapiissutisarisartakkamik ilaannaralaangui naalagaaffeqatigiit naalakkersuisuinit pissarsiarisarpaat, Issittormiut Siunnersuisoqatigiivini suleqataanermut taarsiissutit tunngavigalugit agguanneqartartut. Naalagaaffeqatigiit tapiissutaat ICC Alaskap Issittormiut Siunnersuisoqatigiivinut missingersuutaasa taamaallaat 10 %-eraat.

Tapiissutit allat naalagaaffeqatigiit naalakkersuisuinit pissarsiarineqartut "Grants"-itut tassalu suliniutinut tapiissutit tunniunneqartarput. Taamaaliortarneq qulakkeerlugu aningaasaleeriaasiunngilaq tassami suliniutinut aningaasaliissutit piumaneqartaqimmata. Ukiuni kingullerni tallimani ICC Alaska naalagaaffeqatigiit naalakkersuisuinit suliniutinut aningaasaliissutinik annertunerusunik tigusaqartarsimanngilaq (tamanna ukiumik naatsorsuuteqarfiusumik 2013-imik tunngaveqarpoq).

ICC Alaska naalagaaffiit ilaannit Alaskamit aningaasanik tigusaqartanngilaq kisiannili najukkami naalakkersuisuinit aningaasanik tigusaqartarluni ingerlatsineranut aningaasartuutit 40 %-iisa missaannut atorineqartartunik (taakkulu ICC Alaskap missingersuutaasa tamarmiusut 30 %-iisa missarluinnaattut annertussuseqarput.

Naalakkersuisuinit attuumassuteqarfigisanit tapiissutit tiguneqartartut:

ICC Alaska:

2013-imi ICC Alaskap uanngaanniit pissarsiarisimavai:

Najukkami naalakkersuisut (NSB): CAN\$ 2.160.135

Corporations (kommunalbestyrelsit): CAD\$ 972.082

Grants (suliniutinut tapiissutit): CAD\$ 1.224.180

Missingersuutit tamarmiusut ilaat procentinngorlugit: 71,5%

ICC Canada:

2013-imi ICC Canadap pissarsiarisimavai:

Naalagaaffeqatigiit naalakkersuisuinit: CAD\$ 1.063.948

Nunap immikkoortuinit: CAD\$ 150.000

Missingersuutit tamarmiusut ilaat procentinngorlugit: 82,8%

Formateret: Engelsk (Storbritannien)

ICC Greenland:

2013-imi ICC Greenlandip pissarsiarisimavai:

Kalaallit Nunaannit: DKK 5.309.000

Danmarkimit: DKK 996.516

Missingersuutit tamarmiusut ilaat procentinngorlugit: 71%

c)

**Konto pingaarnermi matumani aningaasaliissutit ikilineqarnerisa kingunerisassaasat Naalackersuisunit naliliiffigineqassasut ataatsimiititaliamit kissaatigineqarpoq.**

Aningasaliissutit ikilisinneqarpata ICC Greenland allat aningaasaliissutissaannik pissarsiniarnissaminik isumalluuteqarnerulissaaq tassungalu atatillugu Alaskami Canadamilu inuit peqatigalugit aningaasaliissussarsiorluarsinnaassalluni.

d)

**Saammaateqatigiinnissamut Isumalioqatigiissitap sulinermini ICC akuutinneraa paasissutissiissutigineqassasooq ataatsimiititaliamit kissaatigineqarpoq.**

Isumalioqatigiissitaq suliniaqatigiiffinnut assigiinngitsunut aamma ICC-mut attaveqalernissaminik pilersaaruteqarpoq suleqatigiilernissamut periarfissaqarnersoq misissorniarlugu.

e)

**ICC pillugu isumaqatigiissummut atatillugu Namminersoriutik Oqartussat Inatsisartullu qanoq inissisimanerannik Naalackersuisut naliliinissaat ataatsimiititaliamit kissaatigineqarpoq?**

Inuit Circumpolar Conference (ICC) ingerlatsinerminut 2007-imiilli Aningaasanut inatsimmi Nunanut allanut Pisortaqarfiup suliaqarfia aqqutigalugu aningaasaliiffigineqartarpoq.

Inatsisartut 1980-imi ICC-p isumaqatigiissutaa akueraat. Inatsisartut ICC-mi kalaallinik sinniisussanik toqqaasarput.

## **7.2 Konto pingaarneq 27.01.09 Kalaallit Nunaata Washington D.C.-mi Sinniisoqarfia**

**Kinami sinniisoqarfimmik pilersitsinissaq Naalackersuisunit qanoq isumaqarfigineqarpa aammalu taamatut sinniisoqarfeqarnermi pitsaaqutaasinnaasut ajoqutaasinnaasullu suuppat?**

Naalackersuisut Kinami sinniisoqarfimmik pilersitsinissaq ajoriffissaqartingilaat. Niueqatigiinnerunissaq Kinamiillu Nunatsinnut aningaasaliinerit qularnaarneqarnissaat pisariaqartinneqartorujussuullunilu pisariaqartinneqaleraluttuinnarpoq. Issittumi naalackersuinikkut oqaluserisassat annertusiartomeri aamma asiame naalagaaffiit pissaanillit Kalaallit Nunaannik nunarsuullu immikkoortuanik tamaaniittumik soqutiginninnerisa annertusiartomerat naapertorlugu asiame nunanut atassuteqarnerup pissutsillu aalajangersimanissaat ineriartortinnissaallu pingaartinneqassaaq, taamaalilluni Kalaallit Nunaannut soqutiginninneq aamma Kalaallit Nunaannut

aalajangersimasumik aningaasaqamikkut periarfissatigullu timitalemeqarluni. Beijingimi Kalaallit Nunaata Sinniisoqarfianik ammaasoqarneratigut Naalakkersuisut periarfissaqalissapput siunissami Kinamut niuernikkut aningaasaliisarnikkullu iluaqutissarsinissamut sinissaq ungasinnerusq isigalugu pilersaarusiomissaminnut.

Inussiarnersumik inuulluaqqusillunga

Vittus Qujaukitsoq